



Early Journal Content on JSTOR, Free to Anyone in the World

This article is one of nearly 500,000 scholarly works digitized and made freely available to everyone in the world by JSTOR.

Known as the Early Journal Content, this set of works include research articles, news, letters, and other writings published in more than 200 of the oldest leading academic journals. The works date from the mid-seventeenth to the early twentieth centuries.

We encourage people to read and share the Early Journal Content openly and to tell others that this resource exists. People may post this content online or redistribute in any way for non-commercial purposes.

Read more about Early Journal Content at <http://about.jstor.org/participate-jstor/individuals/early-journal-content>.

JSTOR is a digital library of academic journals, books, and primary source objects. JSTOR helps people discover, use, and build upon a wide range of content through a powerful research and teaching platform, and preserves this content for future generations. JSTOR is part of ITHAKA, a not-for-profit organization that also includes Ithaka S+R and Portico. For more information about JSTOR, please contact support@jstor.org.

BYZANTINORUM ΨΗΦΙΣΜΑ ΑΠUD
DEMOSTHENEM EMENDATUM.



Quaecumque in nobilissima Demosthenis oratione *περὶ τοῦ
σεφάνου* circumferuntur documenta, *Ψηφίσματα*, *Νόμοι*, *Ἐπι-
στολαί*, *Κατάλογοι* cet. spuria sunt et commenticia omnia prae-
ter unum. In caeteris omnibus fraus perpluit. Tanta enim
inest in Graeculis impostoribus, qui ista impudenter suppo-
suerunt, inscitia rerum et verborum, quibus genuina antiqui-
tatis monumenta concipiebantur, ut nemini eorum, qui aliquid
in his rebus intelligant, imponere diutius possint. Nimium
diu viros doctos ista ludificata sunt, qui et *ἄρχοντας ψευδεπω-
νύμους* et quid non commenti sunt, ut inepta Graeculorum
figmenta tuerentur, quae nunc omnium consensu cum con-
tentu abiiciuntur.

Sed est in eadem oratione unum documentum, quod omnes
habet veritatis numeros et tam certa fide probum et genui-
num est quam certum est reliqua omnia spuria esse atque
supposita, nempe τὸ τῶν Βυζαντίων *ψήφισμα*, quod legitur
pag. 255, 20. Mirabitur aliquis et olim saepe miratus sum
ipse quo tandem pacto, quum reliqua omnia ineptissime ficta
sint, unum tantum vetustum hoc documentum ex communi
veterum monumentorum naufragio evaserit. Perierant dudum
quum ista fingerentur τὰ τοῦ Κρατέρου *ψηφίσματα*, perierant
eruditi historici et antiquarii, unde harum rerum notitia hau-
riri potuisset. Qui igitur fieri potuit ut solum ex omnibus
Byzantinorum *ψήφισμα* salvum et incolume pervenerit in ma-
nus eorum, qui Demosthenis Codices huiuscemodi additamen-
tis augerent? Dicam et alio simili exemplo rem in clara
luce ponam. Quo tempore Demosthenis Codices, unde nostri

libri manarunt, Constantinopoli exarabantur, exstabat etiam in portu (ἐν τῷ Βοσπορείῳ) illud ipsum monumentum, quod in ψήφισματι commemoratur. Tres statuæ ingentes (ἐκκαίδεκαπάχεις) olim positæ fuerunt ἐν τῷ Βοσπορείῳ. In basi de more erat subscriptum τὸ ψήφισμα, ex quo olim decretae statuæ positæque fuissent. Longa dies statuas fortasse deleverat, sed basin et inscriptionem nondum deleverat quo tempore homines pro captu illorum temporum eruditi Demosthenis orationes Constantinopoli describendas curabant, quorum unus reperit forte vetus monumentum repertumque agnovit et sic optime orationi Demosthenicæ inseruit. Exstabant olim Constantinopoli complura remotæ antiquitatis monumenta, quorum commemorabo unum, quod etiamnunc ibidem exstat. Post victoriam Plataeensem a Græcis Apollini Delphico de manubiis donatus est τρίπους χρύσεος ἐπὶ τρικάρηνου ὄφιος χαλκίου ἐπεσεώς, teste Herodoto IX. 81. in quo quid fuerit inscriptum memoriae prodidit Thucydides I. 132. Aurum in bello sacro Phocenses rapuerunt, aeris quod erat reliquerunt, ut refert oculatus testis Pausanias X. 13. 9: ὅσον μὲν δὴ χαλκὸς ἦν τοῦ ἀναθήματος σῶον καὶ ἐς ἐμὲ ἔτι ἦν· οὐ μέντοι κατὰ τὰ αὐτὰ καὶ τὸν χρυσὸν οἱ Φωκίων ὑπελίποντο ἡγεμόνες. Itaque Hadriano imperante Delphis supererat ὁ χαλκοῦς ὄφιος ὁ τρικάρηνος, quem postea οἱ Ῥωμαίων βασιλεῖς μετέθηκαν ἐπὶ τὸν ἵπποδρομον τοῦ Βυζαντίου, ut scribit homo Constantinopolitanus ad locum Thucydidis I. 132. Nemo nescit antiquissimum hoc donarium etiamnunc post annos 2340 superesse et in eo hodieque inscriptas esse ὀνομασί τὰς πόλεις ὅσαι ξυγκαθελοῦσαι τὸν βάρβαρον ἔζησαν τὸ ἀνάθημα, ut scribit Thucydides l. l.

Eodem igitur modo, ut suspicor, exstabat in portu Constantinopolitano basis antiqua servans illud ipsum ψήφισμα, quod in Demosthenis nobilissima omnium oratione erat commemoratum. Advertit ea res aliquem hominem eruditum et sic antiquum decretum Codicibus Demosthenis inseri coeptum est. Exstat et in aliis libris et in uno omnium præstantissimo S Parisino, in quo nihil de caeteris commenticiis monumentis inest. Exstat autem multis mendis vitiisque oblitum, quæ magnam partem certa correctione emendata iam

sunt et arguunt pleraque Graeculorum inscitiam in rebus vocabulisque perantiquis caecutientium. Sic ΕΝΤΑΙΑΙΑΙ (ἐν τῇ ἀλίᾳ) abiit in ἐντεαλια, ΕΓΚΤΑΙΝ — ΓΑΚΑΙΟΙΚΙΑΝ (ἐγκτασιν γᾶς καὶ οἰκίαν) depravatum est in ἔκτασιν γᾶς καὶ οἰκίαν, ΠΟΘΟΔΟΝ (πόθοδον) in ποθ' ὄλον, ΠΡΑΤΟΙΣ (πράτοις) in παρὰ τοῖς, similiaque. Etiamnunc post multorum curas superest nonnihil, quod melius constitui et in integrum restitui debeat. Dicuntur Athenienses Byzantinis et Perinthis tulisse opem Φιλίππῳ τῷ Μακεδόνης ἐπιστρατεύσαντος — καὶ τὰν χώραν δαίοντος καὶ δενδροκοπέοντος. Pro δαίοντος in libris est δέοντος tralaticio errore, quales quo est quisque liber antiquior eo esse solent frequentiores. Sic supra est ἐντεαλια pro ἐν τῇ ἀλίᾳ et infra ἐν τε ἐλλάδι pro ἐν τῇ Ἑλλάδι. Non est igitur ulla dubitatio quin δέοντος natum sit ex ΔΑΙΟΝΤΟC, neque tamen δαίοντος genuinum aut sanum est. Δαίω enim priscum et cascum linguae epicae vocabulum est, quod olim erat intermortuum ac sepultum, quum Philippus Byzantium obsidere coepit. Δαίω et δέδηα, ἀμφιδέδηα, ἡμιδάης caeteraque hinc nata in linguam popularem numquam usu recepta sunt. Καίω constanter omnes dicebant si *urere* aut *incendere* vellent dicere. Deinde quis sanus credat Philippum, quum Byzantium obsidere pararet, agrum in quo diu deberet considerare ignibus totum *exurere* potuisse? Apud Xenophontem saepius κάειν et κόπτειν, κάειν et τέμνειν coniunguntur et subinde Graeci in Anabasi omnia ferro et *flammis* delent, veluti VI. 3. 15 et 19: ἔκαον πάντα ὅσα καύσιμα ἔωρων — ὥς τε πᾶσα ἡ χώρα αἴθεσθαι ἔδουκε, sed non sic Philippus cum Byzantinis bellum gerebat. Denique sic nihil erat opus δενδροκοπεῖν, namque ipsae arbores, credo, flammam traxissent. Esto igitur δαίοντος mendosa lectio et quaeramus meliorem. Inspiciamus primum rem ipsam, deinde veterum librorum scripturam ΔΑΙΟΝΤΟC excutiamus. Philippus id fecit, ut opinor, quod unusquisque in tali re solebat, nempe agrum hostilem ingressus omnia *depopulatus est* ac diripuit. Armenta et greges abegit, mancipia abduxit, instrumenta rustica et si quid esset supellectilis abstulit, praeterea arbores excidit. Ecquid autem huiusmodi ex ΔΑΙΟΝΤΟC exsculpi potest? Facillime: inest enim forma Dorica verbi, quo Graeci

omnes in ea re constanter utuntur, nempe *δηοῦν*. Quis non saepe legit καὶ ἐμβαλόντες ἐδῆουν τὴν γῆν, aut ἐδῆωσαν τὴν χώραν aut δῆώσαντες τὴν χώραν ἀπῆλθον aut alia multa his similia? Hoc ipsum inest in ΔΑΙΟΝΤΟC, nempe καὶ τὰν χώραν δαϊόντος καὶ δενδροκοπέοντος, Dorice dictum pro *δηοῦντος*. Pro Ionico δῆϊος Dores δάϊος dicebant, unde nomina Μενεδάϊος et Θρασυδάϊος formata sunt, et verbum δαϊοῦν et *δηοῦν*, ut in inscriptione a Dindorfio laudata ad Steph. Thesaur. δαώσας ἐπτὰ μὲν ἄνδρας. Forma autem Dorica δαϊόντος vel δαόντος, pro *δηοῦντος*, comparanda est cum κατοικόντες, κρατόντες, πωλώντες, κοσμώντες similibusque, quas collegit Ahrens de *Dial. Dorica* p. 212.

Post pauca Dindorfius edidit: ἐξείλετο ἀμὲ ἐκ τῶν μεγάλων κινδύνων. In plerisque libris est ἄμμε, in optimo S. αμε. Scriptum erat AME, in quo ἀμέ Doricum pro ἡμᾶς inerat. Solent ἀμές et ἀμέ, ὑμές et ὑμέ ab indoctis scribis refingi in ἄμμες, ἄμμε, ὕμμες et ὕμμε, quia hae sunt formae ex Homero omnibus notae. Miror Dindorfium, qui ter de suo Ἀθαναίων pro Ἀθηναίων reposuit, sine suspitione retinuisse ἐξεφάνωται ὁ δῶμος ὁ Ἀθαναίων ὑφ' ἡμῶν. Absurde optimi libri ὑφ' ὑμῶν. Verum est ὑφ' ἀμῶν. Contrario errore Dindorfius pro incorrupta forma formam barbaram in textum recepit in decreti initio: ἔν τε τοῖς προγεναμένοις καιροῖς — ἔν τε τῷ παρεξακότῳ καιρῷ, namque mera est barbaries προγεναμένοις dicere pro προγενομένοις, neque prodest locos ex Archimede apponere ubi γενάμενος legatur, quoniam nemo umquam ἐγενάμην pro ἐγενόμην in usu fuisse demonstrabit. Ludunt librarii in permiscendis γενόμενος, γεγεννημένος, et γεγεναμένος, quibus denique accedit barbarum γενάμενος.

Unum etiam in decreto mendum superest in his verbis: ἀποσεῖλαι δὲ καὶ θεωρίας ἐς τὰς ἐν τῇ Ἑλλάδι παναγύριος. Pro θεωρίας in optimis libris est δωριος, in aliis inepta coniectura δωρεάς. Valckenaerius in *Diatr. Eurip.* p. 278 sententiam loci restituit emendans θεωρίας, sed non restituit amissam veterem lectionem. Dores enim omnes constanter pro θεωρός dicebant θεαρός. Nota est Epicharmi fabula Θεαροί. Nota est Dobraei palmaria emendatio in Xenophontis Hellen. VI. v. 7. ἐν τοῖς θεαροῖς pro θεάτροις, Hinc θεαροδίκος et

θεαροδοκία apud Dores usitata sunt pro θεωροδ. Hinc et nomen Θεαρίδας Doricum, ut Θέωρος Atticum. Itaque Byzantini decreverant ἀποσειλαι θεαρίας, quod in θεωρίας, δωρίας et δωρεάς corruptum est.

C. G. COBET.



CICERO PRO PLANCIO III. § 8.

Cicero Plancium defendens quum dixisset III. § 8. *nec si a populo praeteritus est quem non oportuit, a iudicibus condemnandus est qui praeteritus non est*, ita pergit: Nam, si ita esset, quod patres apud maiores nostros tenere non potuerunt, ut reprehensores essent comitiorum, id haberent iudices; vel, quod multo etiam minus est ferendum: tum enim magistratum non gerebat is qui ceperat si patres auctores non erant facti: nunc postulatur a vobis ut eius exilio qui creatus sit iudicium populi Romani reprehendatis." Ut sana sit sententia expunge absurdum vel et ita verba constitue — *id haberent iudices, quod multo etiam minus esset ferendum*. Deinde exponit cur multo etiam minus esset ferendum iudices id habere quam olim patres. Patres enim honorem tantum alicui eripiebant, iudices salutem quoque, namque honos nonnisi damnato eripi poterat. Hoc ipsum dixerat Cicero sed proclivis error eius verba obscuravit. Non enim exilio sed exitio dederat "ut eius exitio qui creatus sit iudicium populi Romani reprehendatis." De more in concitata oratione exitium pro damnatione posuit, ut in fragmento orationis pro Oppio (apud Ammian. Marcell. 30, 8) *Multum posse ad salutem alterius honori multis, parum potuisse ad exitium probro nemini umquam fuit*. Ne quis autem putet nimium esse exitium in illa causa dicere, inspiciat mihi vel § 79. *Agitur Cn. Plancii salus, patria, fortunae*.

EXILIUM et EXITIUM eodem modo confusa esse suspicor in oratione pro C. Rabirio perduellionis reo IX. § 25: "*numquam profecto istam imaginem, quae domi posita pestem atque exilium Sex. Titio attulit, in Rostra atque in concionem attulisses*." Ubi si pestem atque exitium restitueris praesidium habebis in iis quae nuperrime scripsit Bakius in *Scholic. Hypomnem.* V. p. 73.

C. G. COBET.